



*Rabu, 01 Februari 2023*

**Ogen: Hosea 5:1-3**



**"Ngeliami Bana"**



**D**osa/sura-sura daging e me kite-kite dalanna kita sirang ras Dibata. Erkiteken kinilangasupen ngelawan sura-sura daging erbahansa kita ndauh sirang ras Dibata bagepe ras senina turangta. Umpamana, rubati kita ras senina dengen turangta erkiteken masalah sikitik, si pemersik ukurta guna mpertahanken prinsip ras kebenaran siakap benar; seh maka lanai lit kertedeh ate lako jumpa rassa.

Nabi Hosea persingeti kegeluhen imam-imam, bangsa Israel rikut pe raja-raja ras sinursurna kerina, erkiteken jadi batu antukken man bangsa Dibata. Imam jadi siding ras lubang si mabai kegeluhen kalak sideban lanai erkemalangen man Tuhan. Biak ras sura-sura si jahat erbahansa Imam si arusna mabai bangsa Israel tetap erkiniteken tapi pesirang ras Tuhan. Sura-sura daging mpeturah dosa ras perukuren si jahat nandangi Imam-imam bage pe bangsa Israel. Lanai erkemalangen man Dibata janah enggo ngeliami dirina ngelupaken perbahanen Dibata si maba ia pulah arah bangsa Mesir nari.

Sada bulan nggo sidalani tahun 2023, marilah siinget cara Dibata si tetap nemani geluhta tupung kita mentasi wari-warinta. Siinget uga Dibata tetap nehken keleng ateNa man banta. Si pakelah geluhnta bagi bangsa si tetap nggeluh alu erkemalangen man Tuhan. Pedaulah biak-biak dengen sura-sura si jahat sierbahansa kita sirang ras Dibata; pakelah biak-biak si mehuli si erbahansa geluhta reh rembakna ras Dibata. Jadilah kalak sitetap mbaru bas sebab Dibata kap simplimbarui segelah reh dauna sirang ras dosa.

 *Dibata ngenca ngasup erbahen geluhta mehuli*